

續輯均州志卷之十六

雜識志敘

識紀癸辛俎號酉陽木難異色鼎彝古香陽冰陰
火援筆而紀波詭雲譎不可思議爰稽舊志亦博
亦元畸說軼事增綴於篇譬諸聽樂一彈再鼓韎
任禁昧繼以雜舞於是仿吳處厚青箱記本邵伯
溫聞見錄志雜識

姚子鋪州南九十里有舜廟相傳舜避堯子耕此碑
湮螭首尙存廟貌袞冕商均侍側廟右水田石阪

續輯均州志

卷之十六

雜識

一

下卽浚井處犯則雷鳴修真觀石孔卽舜出處又
舜耕穫載舟水涸忽漲米舟始出故名灤河今訛
浪河其耕山一名糠山一名碎米山百草不生獨
生小白花按舜避堯之子於南河之南傳云南河
荆河州也襄蓋荆河也卽謂耕迹在均世遠已不
可考乃復以耕歷事當之更屬附會耕歷避南河
二事安得比同之後世撫拾蕪謬至此無容置辯

府志

武當山名謝羅山蓋以謝允仙蹟也酈道元水經注

引荊州圖記晉咸和中歷陽謝允爲羅令棄官隱
遯茲山得道仙去故云又甄異傳云歷陽謝允字
道通年十五爲蘇峻賊兵王免所掠賣東陽蔣鳳
家當飼虎檻中將入一虎舉目仰觀允謂虎曰此
檻本爲汝施而我幾死其中汝不殺我我放汝乃
開檻出虎賊平之後詣縣自理烏程令張球不爲
申別擅梏拷楚允夢見一人謂曰此中易入難出
汝有慈心當救拔醒覩一少年通身黃衣忽進獄
與允言獄吏知是異人不敢枉蒙理還都西上武

當山太尉庾公聞而愍之給其資糧隨到襄陽見
道士說吾師戴先生非世間人也云若有西上欲
見吾者可將來君是謝允否允因隨去入武當山
齋戒三日進見先生乃昔日所夢人也問允復見
昔黃童否因賜以神藥三丸服之便不飢渴無所
思欲戴先生亦無常處時有祥雲紫炁蔭其上芳
香之氣徹於山谷按戴先生卽漢武帝所遣上將
軍戴甌生也甌生傳所載詳備如此而不言嘗作
羅令不可曉又續搜神記謝允從武當還在桓宣

武坐言及左元放爲曹公致鱸魚允便云此可得者求大甕盛水朱書符投水中俄二鯉鼓鬣而泳然則允得道又嘗出山矣今人登武當但知有真武而不知有謝允故備載之

府志

宋明帝泰始初劉亮以功封順陽縣侯歷梁益二州刺史在梁州忽服食修道欲至長生迎武當山道士孫道允令合仙藥至益州泰豫元年藥始成而未出火毒孫不聽服亮苦欲服平旦開城門取井花水服至食鼓後心動如刺中間便絕後人逢見

續輯均州志

卷之十六

雜識

三

乘白馬將數十人出關西行共語分明此乃道家所謂尸解者也

宋書劉懷慎傳

社栢樹舊志云在舊州治前按水經注順陽郡晉永和中和徙治南鄉故城城南門外舊有郡社栢樹大三十圍蕭欣爲郡伐之有大蛇從樹腹中墜下大數圍長三丈羣小蛇數十隨入南山聲如風雨伐樹之前見夢於欣欣不以措意及伐之吏少日果死則所云舊州治前乃順陽故郡南門外也

府志

唐武后光宅元年四月丁丑遷廬陵王於均州

唐書武后

紀

武當丞周憬謀誅武三思廢皇后皆坐斬憬入比干廟大言比千古之忠臣知吾此心三思與皇后淫亂傾危國家行當梟首都市恨不及見耳遂自剄

通鑑

中宗景龍三年冬十月大赦流人放還均州刺史譙王重福獨不得歸乃上表自陳曰陛下焚柴展禮郊祀上帝蒼生並得赦除赤子偏加擯棄天下之人爲臣流涕況陛下慈念豈不憫臣恓惶表奏不

續輯均州志

卷之十六

雜識

四

報通鑑

王晉卿都尉旣喪蜀國貶均州姬侍盡逐有歌者號囀春鶯色藝兩絕平居屬念不知流落何處後二年徙汝陰道過許昌市傍小樓聞泣聲甚怨晉卿異之問乃囀春鶯也恨不可復得因賦一聯佳人已屬沙吒利義士今無古押衙晉卿每話此事客有足成章者晉卿覽之尤愴然其詞曰幾年流落向天涯萬里歸來兩鬢華翠袖香殘空挹淚青樓歌渺定誰家佳人已屬沙吒利義士今無古押衙

回首音塵兩沈絕春鶯休囀沁園花

西清詩話

王世則清源人徙應山與韓見素趙諫議同詣武當見陳搏世則爲僕隸拜階搏曰侮人者自侮也指世則使坐於諸公之右曰將來君獨首冠諸公盡如此會明年世則舉進士第一餘列於次

府志

宋太宗雍熙二年九月辛亥廢楚王元佐爲庶人均

州安置

宋史太宗紀

太傅張士遜光化軍人生百日始能啼襁褓中喪其父母少孤貧讀書武當山有道士見而異之曰子

續輯均州志

卷之十六

雜識

五

有道氣可隨我學仙公不欲道士亦不强曰不然亦位極人臣公以淳化三年孫何下及第久困選調年幾五十始轉著作佐郎知邵武縣還朝以文贄楊公大年比三日至門下連值楊公與門下打葉子門吏不敢通公亦弗去楊公忽自窗隙目之知非常人延入款語又觀所爲文以爲有宰相器未幾薦爲御史尋充受春王友由此附會遂登台輔然公寬厚長者記存故舊嘗與邵武姓魚一僧相善及貴猶不忘爲魚奏紫方袍弟子守仙亦沾

錫服晚年致政猶時時遺守仙物不絕答書皆親
筆書語皆稠疊勤拳其敦篤如此

青箱雜記

退傅相公光化軍人少時薄遊武當村舍主人將殺

以祀鬼安臥室中誦六天北地咒巫者見星宿覆

其上怖而卻走退傅孫壻呂誨太傅云

江鄰幾雜志

淳化二年均州武當山有道士鄧若拙善出神嘗至

一處見二仙官議曰來春進士榜有宰相三人而

一人極低如何一人曰高下不可易也獨科甲可

易耳不若以第二甲爲一甲道士旣覺與其徒言

續輯均州志

卷之十六

雜識

六

之明年唱名上意適有宮中之喜因謂近臣曰第

一甲多放幾人言止卽止遂唱第一甲上意亦忽

忽忘之至三百人方悟是年孫何榜三百五十三

人而第一甲三百二人第二甲五十一人丁謂第

四人王欽若十一人張士遜第二百六十人後士

遜三人入相致仕歸鄉遊武當山若拙弟子嘗爲

公言之僕爲鄧州浙川今日聞之於鄖鄉士人劉

可道

懶子

眞

李垂爲知州還朝李康伯謂曰子文學議論稱於天

下諸公擬用知制誥但宰相未相識盍往見之垂
曰若我昔謁丁崖州乾興初已爲翰林學士矣焉
能趨炎附熱看人眉睫以冀推挽乎出知均州

淵鑑

函類

元至元二年四月遣使以香幣賜武當山

元史順帝紀

北極佑聖眞君者乃元武七宿後人以爲眞君作龜
蛇於其下宋眞宗避諱改爲眞武靖康初加號佑
聖助順靈應眞君圖志云眞武爲淨樂王太子修
煉武當山功成飛昇奉上帝命鎮北方被髮跣足

續輯均州志

卷之十六

雜識

七

建阜纛元旗此道家附會之說國朝御製碑謂太
祖平定天下陰佑爲多嘗建廟南京崇祀及太宗
靖難以神有顯相功又於京城艮隅并武當山重
建廟宇兩京歲時朔望各遣官致祭而武當山又
專官督祀事憲宗嘗範金爲像今請止遵洪武間
例每年三月三日九月九日用素羞遣太常官致
祭餘皆停免

明史禮志

永樂中命工部侍郎郭璉隆平侯張信等督丁夫三
十餘萬人大營武當宮觀費以百萬計旣成賜名

太岳太和山

明史方伎傳

永樂十年工部侍郎郭璉同吏部郎中諸葛平等督
運修山木植道經武昌有一大木立於黃鶴樓前
江水中上露尺許巨浪衝激屹然不動莫知其自
遂護運至均今玉虛宮正殿梁是也

舊志

永樂十一年湘潭縣商人劉忠等舟行至光化縣洋
陂灘風雨驟至泊岸下須臾見一巨鐘湧出水上
衆咸驚異相率拜禱願載以進武當山俄風平浪
靜遂載鐘以行舁入玉虛宮供奉

舊志

續輯均州志

卷之十六

雜識

八

孝宗帝登極詔書已罷四方貢獻而提督武當山中
官復貢黃精梅筍茶芽諸物武當山道士先止四
百至是倍之所度道童更倍咸衣食於官月給油
蠟香楮灑掃夫役以千計中官陳善又攜道士三
十餘人各領護持勅所至張威虐璟皆奏請停免
多見採納

明史梁璟傳

韓文字貫道洪洞人武宗朝爲湖廣右參議中貴督
太和山乾沒公費文力遏之以其羨易粟萬石備

賑貸

明史本傳

郭維賢字哲卿晉江人萬曆時請以太和山香稅充

王府逋祿免加派小民

明史本傳

鳳陽推官龍起潛記云萬曆間遣內宦致祭設齋道
衆雲集一瘋道士求索無已向宦呼曰能舍富貴
從我遊乎衆擯斥之遂口吐前食變金花二枝一
插鬢一插冲虛菴前松樹腰乃唱曰冲虛菴火中
蓮龍脈興騰仙客言終不肯爲凡俗地他年必有
上仙傳又曰如有口口先生見於今日誰能信之
化清風而去至今古松翠色獨一枝黃如金花燦

續輯均州志

卷之十六

雜識

九

然太和山
紀畧

太嶽太和山元武修真之地也以非元武不足以當
此山故曰武當今崇奉爲宮殿觀祠者三十六焉
絕頂冶銅爲殿飾以黃金範金爲像照耀上下皆
我太宗文皇帝之創建至若太和宮之聖像從官
皆銀爲之而飾以金神帥十人皆銅爲之而鍍以
金玉虛宮中之聖像與從官者皆銅而金鍍之水
火二堂以銀以銅各從其像其供器銀鍍金者十
有四銅鍍金者二十有二也此憲宗皇帝之所範

也一得於太宗道宮碑文一得於憲宗神像記世人不知咸以武當金殿聖像種種皆黃金非也

七修

稿類

李柏齡博學好古遊覽名勝尤工詩詞明萬厯間刊

宋米芾第一山三字於碣建州南朝陽洞側

舊志

霍靖州黔人也嘗爲余言曾與同鄉張進士胡孝廉昆仲五人往武當山進香聞有不二禪師在山能知未來事隨卽參訪不二坐禪入定不敢驚覺各默侍其旁少頃師舒眼見諸公動問訖坐語良久

續輯均州志

卷之十六

雜識

十

各求指示師挈霍公手云汝慢行我先送四位及至門但見師兩目淚流呼可憐可憐而別然後轉送霍公各亦不解其故越兩年安酋倡亂黔省屠戮幾盡張胡四人俱在難霍時令我浙臨安獨得免不二師之前知如此彼時山中咸謂不二年一百二十歲丙寅八月余在武陵通德山禪寺有老衲自言不二門下亦年百餘歲矣詢不二已於乙

丑歲涅槃盤

南中紀聞

新安江闔辰六說前知均州日在武當親見一黃冠

無名字其髮縮結人以縮頭道人呼之長鬢斑白短鬚及腦後頂髮盡黑髮多且長齒析白完固面似七十歲人飲食步履如少壯自言程姓歷城人也生嘉靖三十年萬曆初卽入雲夢山爲道士萬曆中曾歸濟南至泰安州爲蕭尙書大亨療背疽後遊於四方

國初至普陀後住中州往來懷慶南陽間順治中來武當已復去邇年重來結茆七星樹側辰六見之在戊辰康熙二十七年也上距嘉靖三十年蓋百

續輯均州志

卷之十六

雜識

十一

五十歲矣

王阮亭池北偶談

龍虎二十七代天師某進香武當元帝殿前預戒道士曰必我先香始令客進門未啟然三晨皆有香先之天師怒繫道士將治之忽神座下一穢人出曰香是我焚道士何罪天師視其神采異常下拜之卽命釋道士穢人不顧而去曰我姑蘇裴慶也當與君會姑蘇天師視其足不在地上益異之徧追求不可得抵姑蘇求裴仙皆曰此癩人常寄宿狗竇豬圈中臭不可聞旦出乞食久矣其邑令逮

至其家一婦一男子曰裴慶久不歸問男子爲誰
婦曰此妾相倚以衣食者令大怒男子曰他人婦
可有乎大箠之天師已去姑蘇前途緯夫中慶在
焉天師長跪延之益畏匿浴於泥淖天師跽不已
慶忽躍起踞上席大噓曰子何以有知耶故撓以
臭穢天師直舐之相與談終夜天師長跽涕泣願
以瓢笠相從慶曰未也三年後俟我於廬峯頂上
遂別去越三年慶果歸擔棄履數石壘一洞自入
塞其門火自內發焚訖烈焰中人猶見慶騎白鶴

續輯均州志

卷之十六

雜識

十二

昇天天師遲於廬峯慶果至攜手別去莫知所之

談耳

康熙丙寅歲濟甯南池側居人王姓者與衆約會武
當山進香旣再往矣歸爲其妻述嶮岳奇麗之狀
妻亦欲往夫以道遠艱費難之妻恚而自經夫歸
驚懊言於衆衆爲置襯殮之遂行比至河南某邑
忽見其妻在路旁大樹下坐憩以爲鬼也曰若死
矣忽爲在此妻曰吾未嘗死昨以需衆行期稍遲
故先行至此相候不謂君輩濡滯吾候且數日矣

今當同往何謂鬼耶其夫疑懼不知所出衆曰吾等百餘人渠卽鬼何怯之有遂偕行途中起居飲食皆無他異事竣歸家登堂夫指櫬示之曰爾旣不死前日殮者何人妻曰吾實不死盍開視之及開視乃空棺耳今妻尙在

池北
偶談

太和山有仙人三四大瓢李其一焉郢中守閩人李某其曾孫按家譜知其年百三十餘矣屢欲謁祖未能後以檄往而黃岡葉椽從入洞中稱孫拜牀不休仙人不令止亦不言世系曰非是已令李公

續輯均州志

卷之十六

雜識

十三

坐下食僅飯一盂豆一器李公請飯其胥曰飯不可得但食以豆然可免疾矣李公欲屣棄袍笏挂搭相從仙人曰不可公貴人也自此皆榮擢第記吾言大司馬命不可拜後果累擢及拜大司馬公棄其章歸代爲者丁公汝夔庚戌之變喪元東市

耳談

均掾孟洪範記康熙丁未詣武當山見丁殿門限爲朝謁者踵履所磨齧蝕而凹旁高五寸蝕口餘寸許如月缺樣庚戌視之若漸隆起壬戌後口漸滿

如新補者然邑相禮生員陳言亦記其事

太和山紀畧

太和山自明永樂以來監府坐鎮均州至崇正壬午
逆賊李自成陷城衙署燬圮遂無監府

國朝順治二年知州單惺洑任一應事宜俱歸均州
管理五年九月都御史趙

題請太和山事宜歸分守道管理康熙六年七月
缺裁九月巡撫劉批令襄陽府管理十月督撫批
行鄖陽府管理七年知州佟國玉以太和山隸均
州而均州隸襄陽府非隸鄖陽府爲詳明地方職

續輯均州志

卷之十六

雜識

十四

掌以肅

國制正官箴經巡撫林

疏題奉

旨行令均州管理九年五月復守道次年經巡撫林批
歸守道統理蓋以太和山隸均州均州隸襄陽府
非隸鄖陽府而鄖襄兩府俱屬守道統轄則太和
山之屬守道非屬鄖陽府也明矣

舊志